

**MINISTARSTVO UNUTRAŠNJIH POSLOVA KANTONA SARAJEVO – UPRAVA  
POLICIJE, La Benevolencija br. 16, kojeg zastupa policijski komesar, Generalni  
inspektor policije Fatmir Hajdarević, (u daljem tekstu: Ugovorni organ)**

**BOSNAINSPEKT d.o.o. Sarajevo, Hamdije Kreševljakovića br 18/II, ID broj:  
4200336220002, kojeg zastupa direktor Demić Samir (u daljem tekstu: Dobavljač)**

zaključili su:

## **UGOVOR O NABAVCI USLUGA ISPITIVANJA OBUĆE - LABARATORIJSKA ANALIZA I VIZUELNA KONTROLA**

### **Član 1.**

Predmet ovog ugovora je nabavka usluga ispitivanja obuće - labaratorijska analiza i vizuelna kontrola, za potrebe Uprave policije Ministarstva unutrašnjih poslova Kantona Sarajevo. Nabavka je izvršena putem direktnog sporazuma, na osnovu Odluke broj 02-11-4-5567/23, od 28.07.2023. godine.

Ponuda broj P-020108/23 od 01.08.2023. godine, sastavni je dio ovog ugovora.

### **Član 2.**

Ukupna vrijednost predmetne nabavke iznosi 2.100,00 (dvijehiljadesto i 00/100) KM bez PDV-a.

Cijene i ostali elementi ovog ugovora se ne mogu mijenjati.

### **Član 3.**

Dobavljač se obavezuje da će usluge iz člana 1. ovog ugovora izvršiti najkasnije u roku od 25 (cvadesetipet) dana od dana dostave uzoraka.

### **Član 4.**

Nakon izvršene usluge koja je predmet ovog ugovora, bit će sačinjen zapisnik o kvalitativnom i kvantitativnom prijemu. Zapisnik se sačinjava u 2 (dva) istovjetna primjerka od kojih jedan zadržava Ugovorni organ a jedan Dobavljač. Zapisnik će biti potpisan od strane ovlaštenog lica Ugovornog organa i od strane ovlaštenog lica Dobavljača. Sve primjedbe o predmetu nabavke će biti konstatovane u Zapisniku.

Ukoliko lice zaduženo za prijem konstatuje određene nedostatke u kvalitetu ili kvantitetu izvršene usluge, neće se sačinjavati zapisnik o prijemu, već će se sačiniti zapisnik o reklamaciji, koji Ugovorni organ dostavlja Dobavljaču.

### **Član 5.**

Dobavljač se obavezuje priznati reklamaciju na kvantitet i kvalitet izvršene usluge, koja će biti propraćena zapisnikom o reklamaciji, uz obavezno navođenje nedostataka izvršene usluge i datuma i broja računa Dobavljača kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovornih obaveza Dobavljača, konstatovanih u zapisniku o reklamaciji, Dobavljač je dužan da o svom trošku učini sve da te nedostatke ukloni u što kraćem roku, koji će mu u zapisniku odrediti Ugovorni organ.

#### Član 6.

Plaćanje se vrši u roku od 30 (trideset) dana od dana uredne izvršene usluge i dostavljanja fakture, na tekući račun Dobavljača.

#### Član 7.

Dobavljač se obavezuje da će odmah postupiti po eventualnim primjedbama Ugovornog organa u pogledu nedostataka na ime kvaliteta izvršene usluge.

Ugovorni organ je dužan dostaviti pismeno obavještenje o svakom propustu Dobavljača.

Ugovorni organ će utvrditi razuman rok za ispravku propusta Dobavljača u smislu izvršene usluge.

#### Član 8.

Na sva pitanja koja nisu regulisana ovim ugovorom, primjenjivat će se odredbe Zakona o obligacionim odnosima.

#### Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


#### Član 10.

Ugovor stupa na snagu danom potpisivanja ovlaštenih predstavnika ugovornih strana i traje do uredne realizacije ugovorenih obaveza ugovornih strana.

#### Član 11.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

**DOBAVLJAČ**  
**BOSNAINSPEKT d.o.o. Sarajevo**

  
\_\_\_\_\_  
direktor, Demić Samir

**UGOVORNI ORGAN**  
**MUP KANTONA SARAJEVO**  
**UPRAVA POLICIJE**

  
\_\_\_\_\_  
**POLICIJSKI KOMESAR**  
**Generalni inspektor policije**  
**Fatmir Hajdarević**

Broj :

Datum:

15248/23

01.08.2023

Broj: 02-11-4-5567-3/23

Datum: 01.08.2023. godine